



ШАҲАР
ИҶТИМОИЙ-
СИЁСII
ГАЗЕТАСИ

ТОШКЕНТ ОҚШОМ



Газета 1966 йил 1 июлдан чиқа бошлаган № 132 (9.629) 2001 йил 12 ноябрь, душанба Сотувда эркин нархда

ПОЙТАХТНИНГ Бир кунни Янгиликлар, воқеалар

ҚИСКА

□ **БУГҲ** шахримиздаги «ТошОР» корхонасида Ҳамза туман ҳокимлиги, Маънавият ва маърифат маркази ташаббуси билан «Фуқароларнинг ҳуқуқий маданиятини ошириш ҳозирги куннинг муҳим талаби» мавзюда амалий анжуман бўлиб ўтди.

□ **ЭРТАГА** Миробод туманида Озик-овқат таъминоти бўлимида ўтадиган семинар-кенгаш ҳам ҳуқуқий соҳага бағишланди. Шунингдек, БУГҲ Акмал Икромов туманидаги «Нон-паста» корхонасида бўлиб ўтадиган анжуманлар «Маънавият ва ҳуқуқий маданият» мавзусига бағишланди.

□ **АЙНИ** кунларда ҳамшаҳарларимиз Афғонистонда кечаётган терроризмга қарши кураш жараёнига ўз муносабатларини билдирмоқдалар. **ЭРТАГА** Юнусобод туманидаги 7-Бизнес мактабда, Йўлдош Охунбоев номидаги тиббиёт коллежида ёшлар иштирокида ўтказилган тадбирлар «Терроризмга қарши кураш» муктадас бурч» деб номланди.

□ **БУГҲ** Бектемир туманидаги 574-болалар богчасида бўлиб ўтган йиғилишда болалар тарбиясида тарбиячилар томонидан бажарилиши лозим бўлган вазифалар ҳамда бошлангич хотин-қизлар кенгашининг бу борадаги иш режалари муҳокама этилди.

□ **БУГҲ** Сергели туман Кўзи охишлар жамиятида «Биз қонун ҳимоясида» мавзюда тадбир ўтказилди.

□ **ОНАЛАР** ва болалар йили муносабати билан Республика таълим марказида ўқиб ҳафтада ёшлар ўргатишнинг долзарб масалаларини муҳокама этувчи тадбир Республика очик жамияти институт ходимлари иштирокида бўлиб ўтди. Унда ўқиб ва ёзишдан сабоқ берувчи шахримиз мактаблари ўқитувчиларига малака оширганликларини тасдиқловчи сертификатлар топширилди.

□ **ТОШКЕНТ**-Шератон» меҳмонхонасида БМТнинг Ўзбекистондаги ваколатхонаси ташаббуси билан бўлиб ўтган тадбир экологик муҳитни яхшилашга бағишланди.

□ **КАМОЛИДДИН** Бекзод номидаги миллий рассомлик ва дизайн институтида ўтказилган «Авесто» асари яратилганлигининг 2700 йиллигига бағишланган анжуманда иштирок этган зиёлилар авестошунос олим Аскар Маҳмадов она тилимизга таржима қилган «Авесто» китобининг аҳамияти ҳақида фикр-мулоҳазалар билдиришди.

□ **ОНА** ва бола» Давлат дастури доирасида Шифокорлар малакасини ошириш институтида асаб касаллиги билан оғриган қақалоқларни ангина усуллар билан даволашга мослашган Осмеда ягона — Микронеурология бўлими ташкил этилди.

□ **ШАХРИМИЗДАГИ** «Бўзсу» маҳалласида Тошкент шаҳар кенгашининг депутати Ботир Хошимовнинг маҳалла аҳли билан учрашуви ўтказилди.

□ **ЎЗБЕКИСТОН** Республикаси Фанлар академиясида бўлиб ўтган анжуман «Ўзбекистон энергетикаси XXI асрда» деб номланди.

□ **ТОШКЕНТ** шаҳар йўл ҳаракати хавфсизлиги бошқармасида Тошкент шаҳар халқ таълими бошқармаси ҳамкорлигида бўлиб ўтган «Йўл қондаси — умр фойдаси» мавзюдаги семинарда шахримиз мактабларининг ўқитувчилари иштирок этишди.

□ **ЯҚИНДА** Собир Раҳимов туманига қарашли Абдували Абдуллаев номи маҳалладаги 100 хонадонга Тошкент шаҳар Газ бошқармаси ёрдами билан газ ўлчагич ўрнатилган бўлди. Шу кунгача маҳалла туманидаги 4076 та хонадон газ ўлчагич билан таъминланди.



Шахримизда қад кўтарётган турар жой биноларини тиклашда «Ўйжойқурилиш» ҳиссасдорлик жамиятининг 1-капитал қурилиш бошқармаси бунёдкорлари ҳам ўзларининг муносиб ҳиссаларини қўшмоқдалар.

СУРАТДА: бошқарманинг пешқадам бунёдкорлари С. Содиқов ва А. Абдунабиевлар пойтахтимизнинг Нукус кўчасида қад кўтарётган бино қурилишида ўрнак кўрсатиб меҳнат қилишмоқда.

Сергей Любич олган суратлар.



Тинчликнинг қадрига етайлик

□ **Эркин АЛИМУХАМЕДОВ, Ўзбекистон Қаҳрамони:** — Тинчликсевар, меҳмондўст, бағри кенг халқимиз борлигидан, мустақиллик туғайли эзгу ниятларимиз рўйбга чиқаришда бениҳоя фахрланаман. Албатта, мустақил юртимиз ривожини, гуллаб-яшнашини кўра олмай унга ҳасад қўзи билан қараётган, баъзи игво-бухтонларни тарқатиб қимилларингидир онгини заҳарлаётган душманларимиз борлигидан нафратланган ҳолда уларга қарши ҳар биримиз ҳўш ва оғоҳ бўлишимиз лозимлигини бир шун ҳам ёдимдан чиқармайман.

Шу боис ҳам барча юртдошларим, софдил, тинчликсевар инсонлар қатори Америка давлатининг Афғонистонда ниятлари фақат разилликдан иборат бўлган террористларга қарши олиб бораётган қаршиликларини тўла қўллаб-қувватлайман. Ваҳийи террористларнинг Нью-Йорк ва Вашингтон шаҳарларидан содир этган қўруқчилик ҳаракатлари уларнинг асл башарасини очиб, ҳақиқий мақсадлари нима эканлигини, уларнинг тинчликсевар дунё аҳлининг душмани эканлигини аққол кўрсатиб берибди.

Юртбошимиз «Одам қиёфасини йўқотган бу каллақасарларнинг на дини, на миллати бор, бинобарин уларнинг ислом оламига, муслмон дунёсига ҳеч қандай

алоқаси йўқ» деб террорчиларга жуда тўғри таъриф бердилар. Биз шунинг унутмаслигимиз лозимки, бундай разилларнинг ҳамтоволлари ҳамма жойда учрайди ва ўз бузғунчиликлари амалга ошириш учун пайт пойлаб юради. Шунинг учун оғоҳлик ҳаммаша ҳамроҳимиз бўлиши керак. Террористлар қилишларига яраша ўз жазосини олмақда. Бу борада жаҳондаги тинчлик ва тараққиёт тарафдорларининг ниятлари, мақсадлари бир. Ана шулар қаторида мустақил Ўзбекистонимизнинг борлиги кишини тўлқинлантиради. Шундай Ватанимизни асраш эса ҳар биримизнинг муқаддас бурчимиздир.

□ **Қумри АБДУЛЛАЕВА, «Йўлдуз» ҳиссасдорлик жамияти касаба уюшмаси раиси:** — Дунё мамлакатларининг баъзиларида бўлаётган уруш ва тўс-тўполонларни «ойна жаҳон» орқали кўриб, газеталарда ўқиб «Тинчликка нима етсин!» деб қўруқчилик қўйсан киши. Мамлакатимизда рўй бераётган ижобий ўзгаришларнинг барчаси, амалга оширилган бекчиёв бунёдкорлик ишлари мустақиллигимиз туғайли, юртимиздаги тинчлик ва оқсоқиллик шарофатидандир. Шу боис ҳам барчамиз унинг нафақат қадрига етишимиз, авайблай-асрашга ҳам муносиб ҳисса қўйишимиз лозим.

Жамоамизда асосан хотин-қизлар меҳнат қилишади. Ҳеч бир аёл, она йўқки фарзандларининг тинч-оқсоқиллик яшашини истамаган, қамолтини қўришни орзу қилмаган. Шу боис ҳам 11 сентябрда террорчилар томонидан АҚШда содир этилган фожиа, қанча бегуноҳ одамларнинг қурбон бўлгани жамоамиз аҳлини ҳам гажабга келтирди. Шунинг учун ҳам Президентимизнинг Баёнотларидан тўғри хулоса чиқариб, ҳукуматимизнинг позициясини қўллаб-қувватламоқдамиз.

Бугун халқро террорчиларни йўқ қилишга қарши нафақат Америка давлати, балки барча тинчликсевар қўллар бирлашганлиги дунёда софдил инсонлар қўлигидан далолатдир. Яна шу нарсани аниқ билиб туришимизки, Афғонистондаги ҳарбий ҳаракатлар, жафоканаш афғон халқига эмас, у ерда уя қуриб олган терроризм ўқоларига қарши қаратилган. Истардхикки, тинч ҳаётимизга кўз тегмасин, оқсоқиллигимиз абадий бўлсин. Бу дилимиздаги эзгу ниятга ҳар биримиз ҳўшёр ва оғоҳ бўлиб, атрофимизга сергаклик билан нигоҳ ташлаб, орамиздаги баъзи ёт ўнсуларга, уларнинг ёвуз ниятларига қарши туриб ёришиш мумкин. Шу боис ўз уйимизни, маҳалламизни, жамоамизни асрасак, тинчликка, мустақилликка муносиб ҳисса қўшган бўламиз.

ХАЛҚ ДЕПУТАТЛАРИ ТОШКЕНТ ШАҲАР КЕНГАШИГА САЙЛОВ ЎТКАЗУВЧИ ШАҲАР САЙЛОВ КОМИССИЯСИНING ҚАРОРИ

Бўшаб қолган ўринларга халқ депутатлари Тошкент шаҳар Кенгаши депутатлигига номзодларни рўйхатга олиш тўғрисида

Сиёсий партиялар, фуқаролар ўзини ўзи бошқариш органлари томонидан халқ депутатлари Тошкент шаҳар Кенгаши депутатлигига номзодларни рўйхатга олиш учун тақдим этилган ҳужжатларни ва депутатликка номзодларнинг тегишли округлардан номзодларни овозга қўйилишига рози эканликлари тўғрисидаги аризаларни кўриб чиқиб, халқ депутатлари Тошкент шаҳар Кенгашига сайлов ўтказувчи шаҳар сайлов комиссияси ҚАРОР ҚИЛАДИ:

«Халқ депутатлари вилоят, туман ва шаҳар Кенгашларига сайлов тўғрисидаги Ўзбекистон Республикаси Қонунининг 11, 24 ва 44-моддаларига мувофиқ Ўзбекистон «Адолат» социал-демократик партияси, Ўзбекистон «Фидоқорлар» миллий демократик партияси, Ўзбекистон Халқ демократик партияси Тошкент шаҳар Кенгашлари ҳамда фуқаролар ўзини ўзи бошқариш органлари томонидан халқ депутатлари Тошкент шаҳар Кенгаши депутатлигига қўрсатилган куйндаги номзодлар рўйхатга олинсин:

Сайлов округининг сони ва номи	Депутатликка номзоднинг фамилияси, исми, отасининг исми	Тутилган йили, партияга мансублиги, эгаллаб турган лавозими (машгулликнинг тури), иш ва турар жойи	Депутатликка номзод этиб қўрсатилган органнинг номи
1	2	3	4
Мирзо Улуғбек тумани			
15-Феруза	Қалыров Маджит	1932, УХДП аъзоси, «Ўзбекистон» маҳалласи фуқаролар йиғини раиси.	Фуқаролар ўзини ўзи бошқариш органи
	Разакова Муҳаббат Ниязона	1954, партиясиз, 379-болалар богчаси мудираси.	ФМДП Тошкент шаҳар Кенгаши
Собир Раҳимов тумани			
24-Мирзо Ғолиб	Муртазаева Раҳбархон Ҳамидовна	1950, «Адолат» СДП аъзоси, Ўзбекистон Миллий университети маънавий-маърифий ва гуманитар таълим бўйича проректор.	«Адолат» СДП Тошкент шаҳар Кенгаши
	Хўджамуратова Рўхси Аяловна	1960, УХДП аъзоси, 22-мактаб директорининг ўринбосари.	Фуқаролар ўзини ўзи бошқариш органи
Ҳамза тумани			
34-Лисун	Зокоров Ботир Иркинович	1963, партиясиз, «Тошкент-қурилиш» уюшмасига қарашли 12-сон қурилиш трести ҳиссасдорлик жамияти бошқаруви раиси.	«Адолат» СДП Тошкент шаҳар Кенгаши
	Қазакбаев Рустам Эргашевич	1944, УХДП аъзоси, 8-сонли стоматология поликлиникаси бош	Фуқаролар ўзини ўзи бошқариш органи
36-Қурувчилар	Тошматов Авазбек Олимovich	1958, УХДП аъзоси, 1-йирик уйсозлик заводи директори.	УХДП Тошкент шаҳар Кенгаши
	Шоабдурахмонов Рустам Мавазрович	1962, партиясиз, Тошкент шаҳар ҳокими.	Фуқаролар ўзини ўзи бошқариш органи
Чилонзор тумани			
37-Олмазор	Маҳмадов Ҳусниддин Сағиевич	1957, партиясиз, Чилонзор тумани ҳокими.	Фуқаролар ўзини ўзи бошқариш органи
	Тоқтаева Юлдуз Юсулджановна	1960, «Адолат» социал-демократик партияси аъзоси, Тошкент Давлат Авиация институти «Миллий истиқлол юваси» маркази раҳбари	«Адолат» СДП Тошкент шаҳар Кенгаши
Яккасар тумани			
59-Бўрижар	Муксумов Ҳусан	1949, партиясиз, «Ишонч-М» ҳиссасдорлик жамияти бошқаруви раиси.	Фуқаролар ўзини ўзи бошқариш органи
	Нуритдинов Хайрулла Бойқонович	1974, партиясиз, Ўзбекистон Республикаси Президенти Девони консултант.	УХДП Тошкент шаҳар Кенгаши

Тошкент шаҳар сайлов комиссияси раиси Тошкент шаҳри, 2001 йил, 9 ноябрь

Ф. Маликов

ИЗЛАНИШЛАР Замонавий технологиялар

Ўзбекистонда механика фани кенг қўламад ривож топмоқда. Бу истиқболли фан ютуқлари халқ ҳўжалигининг деярли барча соҳаларида муваффақиятли қўлланилмоқда.

Ўзбекистон Фанлар академиясининг М. Уразбоев номидаги механика ва иншоотлар сейсмик мустаҳкамлиги институти олимларининг бу борадаги изланишлари ҳам самарали бўлмоқда.

Институтида олиб борилаётган изланишлар механиканинг муҳим ўқ йўналишларини ташкил этади. Нефть ва газни қувурлар орқали транспортировка қилиш, иншоотларнинг сейсмик мустаҳкамлигини ва тўқимачилик машинасозлигини ривожлантириш борасидаги тадқиқотлар мутахассислар томонидан яхши баҳоланмоқда. Пахтачилик комплекси механизмлари ва машиналар назариясига доир изланишлар ҳам самарали бўлди.

Пахта териш машиналари горизонтал-шпиндел аппаратларининг технология жараёнларини моделлаштириш устидаги тадқиқотлар ишчилар доирасида.

«Агрофон-ГША-пахта» тизими технологияси юзга келди. Бу йирик тадқиқот натижаси «БМКБ-Агромах», «Тошкент қишлоқ ҳўжалиги машинасозлиги» ҳиссасдорлик жамиятларига топширилди.

«Ўзпахтасаноат» уюшмаси, «Ўзавтйўл» корхонаси ва бошқа ташкилотлар билан шартнома асосида ҳамкорлик ишлари олиб боришмоқда.

Механиканинг турли соҳалари бўйича юзга келаятган янги методлар замонавий технологиялар, шунингдек, олий ўқув юрлари учун дарслик ва ўқув қўлланмалари яратиш учун асос бўлиб хизмат қилади.

Ақбар АЛИЕВ

Тошкент шаҳар ҳокимлигида

Тошкент шаҳар ҳокими Рустам Шоабдурахмоновнинг қарори-га кўра **Раҳимхон Ҳасанович Розмухамедов** Тошкент шаҳар ҳокимлиги ахборот-таҳлил гуруҳи раҳбари лавозимидан озод этилиб, Тошкент шаҳар Сергели тумани ҳокими лавозимига тайинланди.

ОБУНА-2002 • ОБУНА-2002 «Оқшом» — доимий ҳамроҳингиз, дилкаш суҳбатдошингиз

Чиндан ҳам шундай, қадри «Оқшом» мушаррайлари. Шу кунларда ўзингиз сезиб ўқийдиган «Тошкент оқшом» газетасига 2002 йил учун обуна давом этмоқда. Бинобарин, у сизга ҳар дам ҳам энг яқин ҳамдам, ҳамфикр ва маслаҳатгўй бўлиб келган. Бунинг шу кунларда тахририятга йўллаган дил суҳбатингиздан ҳам билиш мумкин. Газетага бўлган меҳр-муҳаббатингиз, садоқатингиз учун сизларга самимий ташаккур билдирган ҳолда, шу кунларда пойтахтимизнинг барча алоқа бўлимларида газетага обуна расмийлаштиришга эътиборини янада бир бор эътибор қилишимиз.

«Тошкент оқшом» келгуси йилда ҳам мамлакатимизда, унинг пойтахтида, жаҳонда рўй бераётган энг сўнгги янгиликларни тезкор усулда ёритишда, ўзингиз сезиб ўқийдиган ранг-баранг



мавзудаги мақолалар газета саҳифаларидан мунтазам ўрин олади. Шундай экан, вақтингиз бой бермай сезимал газетамизга обуна бўлишга шовиланг. Шундай қилсангиз 2002 йилнинг дастлабки кунидан бошлаб «Оқшом» хонадонингизга ўзи қилиб боради.

ФУТБОЛ

Навбатдаги турда

Мамлакат X миллий чемпионатининг 18-туридаги қондирилган «Қизилқум» — «Пахтакор» ўйинида омад тошкентлик чарм тўп усталари томонидан бўлди. Иккинчи бўлимининг 68-дақиқасида моҳир футболчилар Леонид Косилов томонидан дарвозага йўлланган гол «Пахтакор»га галаба келтирди.

Айнан шу кунни яна икки учрашув бўлиб ўтди. 33-турнинг «Бухоро» — «Академия» ҳамда 17-турнинг «Нефтчи» — «Дўстлик» ўйинларидаги натижалар турнир жадвалига айрим ўзгаришлар киритиши табиий, албатта. Хуллас, Бухорода майдон эгаларига

ЭРТАГА

навбатдаги 34-тур учрашувлари бўлиб ўтади.

Ақбар ЙЎЛДОШЕВ

XXI саҳифаси

Барча манбалардан олинган сўнгги хабарлар

Мамлакатимизда

- Вазирлар Маҳкамасида 2003 йилнинг май ойида Тошкентда Европа Тикланиш ва Тараққиёт банкининг йиллик йиғилишини ўтказиш ва унга тайёргарлик кўриш бўйича таҳсилотнинг биринчи мажлиси бўлди.
- Макрониксодиёт ва статистика вазирлигида вазирлик, идора, уюшма, концерн, корпорация ва компаниялар раҳбарлари иштирокида 2002 йилда «Буюртмалар портфелини» шакллантириш, маҳсулот етказиб бериш ва моддий техника ресурсларини сотиш олиш шартномаларини тузиш борасидаги ишларни ташкил этиш масалалари бўйича кенгаш бўлиб ўтди.
- Гулистонда испаниялик тадбиркорлар билан ҳамкорликда барпо этилган «Сарбонтекс» қўшма корхонасининг иккинчи навбати ишга туширилиши 700 та янги иш ўринларини яратди.
- Олий ҳўжалик судида Германия техникавий ҳамкорлик жамияти билан ҳамкорликда масъулият чекланган жамиятларга бағишланган таъкил этилган халқаро анжуман бўлиб ўтди.
- Учкўприк тумани деҳқонлари пахта тайёрлаш йиллик режасини бажардилар. Давлатга 23 минг 764 тонна қимматбаҳо саноат хом ашёси топширилди.
- Гулистонда Ўзбекистон Республика Олий Мажлисининг жинсий жазоларни либераллаштириш, яъни суд-ҳуқуқ ислохотидаги янги босқич ҳақидаги қонуннинг муҳокамасига бағишланган семинар-йиғилиш бўлиб ўтди.
- «Ўзфармасаноат» давлат акциядорлик концерни 13-16 ноябрда пойтахтдаги «Ўзқўргазмасавдо» биносида дори-дармон воситалари ва тиббиёт маҳсулотлари қўргазмасини ўтказди.
- Ўзбекистон Фанлар академиясининг Сейсмология институти олимлари томонидан олиб борилаётган тадқиқотлар самараси туфайли қатор истиқболли йўналишлар юзга келди. Ер қимирлаш жараёнларининг фазовий сиграммаларини ёзиб олиш усуллари ҳам амалиётга тадбиқ этилди.
- Шу йилнинг 23 ноябрида Тошкент шаҳрида Ўзбекистон Ногиронлар жамиятининг II ҳисобот сайлов Қурултойи бўлиб ўтади.
- Кеча Миллий матбуот марказида Очик жамият институти Қўмак фонди ташкил этган «Иқтисодиёт фанини ўқитишда интерфаол усуллар» мавзусидаги тўрт кунлик семинар ўз ишини якунлади.
- Ўзбекистон Республикаси Халқ таълими вазирлиги, Ўзбекистон телерадиокорпорациясининг «Маърифат» бош муҳарририяти билан ҳамкорликда ташкил этилган «Энг қиройили қўшқасан, Ватан» қўриқ-танловининг якунловчи босқичи бўлиб ўтди.
- Бугун Ўзбекистон Миллий театри биносида халқимизнинг ардоқли ҳофиз, Ўзбекистон халқ артисти Муножот Йўлчиева ўз мухлисларига янги концерт дастурини намойиш этади.
- «18 минг олам» деган номда «Ўзбекракс» бирлашмаси тизимидаги халқ чолгу оркестрининг тақдимот маросими бўлиб ўтди.



Жаҳонда

- Кеча Буюк Британияда кураш бўйича анъанавий «Ислом Каримов» турнири бошланди.
- Бош Ассамблея 56-сессиясининг умумий муҳокамаларида иштирок этиш учун Ёришларан Миллатлар Ташкилотига аъзо давлатлар делегациялари Нью-Йоркка кела бошладилар.
- БМТ Бош қотибининг Афғонистондаги махсус вакили Лаҳдар Браҳимий Италия пойтахтида Афғонистоннинг собиқ подшоҳи Муҳаммад Зоҳиршоҳ билан учрашди. Унинг айтишича, Афғонистонда тузилажак янги ҳукумат сафида Муҳаммад Зоҳиршоҳ масъул ўринни эгаллаши лозим.
- Кеча Болгарияда Президент сайловлари бўлиб ўтди. Юксак постга 6 номзод ва мамлакатнинг ҳозирги президенти Петр Стоянов даъвогарлик қилмоқда.
- Халқаро хавфсизликни сақлаш ходимлари Яқин Шарқда «Ал-қоида» ташкилотининг энг фаол аъзоларидан бири Аҳмад Шокирининг ҳибсга олинганлиги борасида хабарлар тарқалган эди. Эндиликда мансабдор ташкилотлар А. Шокирини сўроқ қилиш натижасида Усама бин Ладиннинг асосий тизилмасидан унинг хабардор бўлиши мумкин, деб ҳисобламоқдалар.
- Швейцарияда халқаро террорчиликка қарши кураш, хавфсизликни олдини олиш мақсадида ўзига хос чора-тадбирлар қўрилмоқда. Хусусан, «Ал-қоида» гуруҳи билан алоқадор деб гумон қилинган ҳар қандай шахс ёхуд ташкилот таъқиб остига олинади.
- Хитой давлатининг марказий қисмидан оқиб ўтадиган Лохэ дарёсига автомобиль ҳалокати туфайли 11 тонна заҳарли ҳисобланувчи натрий-цианат моддаси тўқилиб кетди.
- Кеча АҚШ авиацияси Қобул ҳудудига учинчи тиклади.
- Кеча Франция биринчи жаҳон уруши тугалланганига 83 йил тўлган кунини нишонлад.
- Италиянинг маданият пойтахти деб ном олган Милан шаҳрида янги дабдабали опера театри бунёд этилди.
- Рейтер агентлигининг хабар беришича, БМТнинг инсон ҳуқуқлари бўйича олий комиссари Мэри Робинсон Пекинда ташриф чоғида мамлакат раҳбари Цзянь Цзэмин билан учрашди ва инсон ҳуқуқлари мавзусидаги анжуманда иштирок этди.
- «Интерфакс» агентлигининг хабар беришича, Аргун шаҳрида чечен маъмурияти раҳбари А. Қодиров келаятган машинага ҳужум уюштирилган. Маълумотларга кўра, номаълум шахснинг пистирмадан туриб ўқ узиши туфайли уч нафар хавфсизлик ходимлари яраланган. Қодировнинг ўзига эса ҳеч қандай зарар етмаган. Ҳозирда жиноятчилар қидирилмоқда.
- Австрия пойтахтида бўлиб ўтган Марказий Осиё давлатлари мустақиллигининг 10 йиллигига бағишланган анъанавий ретроспектив фильмлар фестивалида мамлакатимиз «Ачиқ мева», «Сиз кимсиз?» фильмлари, шунингдек «Қорақўл», «Оролқум» ва «Ташналик» каби қисқа метражли фильмлар билан иштирок этди.
- Кеча Якутияда йўқолган «МИ-8» вертолети топилди. Экипаж аъзоларининг барчаси ҳалок бўлган.
- Кеча Аргентинада машҳур футболчи Марадона билан тантанали хайрлашув бўлди. Унда футбол юлдузи Пеле қатнашди.

Шеърят мулкининг султони бағишланди

Ҳар бир халқ ўзининг тарихи, маданияти, санъати, миллий анъаналари, расм-русумлари, урф-одатларига эга бўлади. Бинобарин, шу халқнинг фанини, санъатини, маънавиятини кўларга кўтарган, дунё миқёсида шон-шухратга буркаган буюк фарзандлари ҳам бўлади.

Халқимиз ҳақли равишда олим-муфаззалларини, буюк ёзувчи шоирларини офтобга, шамга қиёслайди. Офтоб барчага бирдай нур сочади, шам эса ўзини ёндириб, эриб атрофида жам бўлганларга зиё бағишлайди, чароғон қилади. Миллий гуруримиз, бетакрор ижод соҳиби, буюк мутафаккир ҳазрат Мир Алишер Навоий ҳам ана шундай даҳолар сирасидандир. Буюк алломанинг ҳаёти, сермахсул ижоди жаҳон миқёсида олимлар томонидан чуқур ўрганилган, у ҳақда қатор илмий, бадиий асарлар битилган, сахна асарлари, кинофильмлар яратилган.

Ўзбек шеърятининг ёрқин кўеши, буюк аллома Алишер Навоийнинг таваллуд кунини ҳар йили мамлакатимизда кенг нишонланиб келинмоқда. Буюк зот таваллуд кунининг 560 йиллиги муносабати билан йил давомида турли-туман тадбирлар ўтказилмоқда. Мана шундай тадбирлардан бири Тошкент қурилиш-коммунал коллежиди бўлиб ўтди. Республика миқёсида ўтказил-

ган ушбу илмий-амалий, адабий-музика анжуманда Ўзбекистон Республикаси Олий ва ўрта махсус таълим вазирлиги, махсус касб-хунар таълим Маркази, Қорақалпоғистон Республикаси, барча вилоятлар ўрта махсус, касб-хунар таълими бошқармалари мутасадди ходимлари, республикамизнинг таниқли навоийшунос олимлари, шоирлари, машҳур санъат дарғалари, шунингдек Тошкент шаҳар ўрта махсус касб-хунар таълими бошқармаси тасарруфидидаги ўқув юртларининг бадиий ҳаваскорлик жамоалари вакиллари иштирок этишди.

Анжуманни Ўзбекистон Республикаси Олий ва ўрта махсус таълим вазирининг биринчи ўринбосари, ўрта махсус, касб-хунар таълими Марказининг раҳбари Ж. Ҳусанов очар экан: «Мана беш асрдирки халқимиз шеърят кўешининг ҳаётбахш нурларидан баҳраманд бўлмоқда. Сарҳадлар оша қадр, эъзоз топган, топаётган буюк истиқлолимиз навоийшунослик учун янги истиқболлар очиб берди. У Алишер Навоий маънавиятини чуқурроқ ўрганиш, буюк шоирни янгича англашни ўргатди. Гар шундай экан, биз ҳам жойларда бу борада олиб борилаётган кенг қамровли ишларни, тадбирларни қалбдан эътироф этган ҳолда Республика ўрта махсус, касб-хунар таълими Маркази тасарруфидида

ўқув юртларида Алишер Навоий ижодини янада чуқурроқ ўрганишимиз, ўқувчиларимизни буюк сўз санъаткорининг сермахсул ижодидан баҳраманд қилиш, қалбларига гурур, шуур олиб кирмоғимиз даркор. Тегишли ўқув режаларига навоийхонлик соатларини киритиш, дарсликлар, қўлланмаларда аллома ижодини янада мукаммал ўрганиш учун кўпроқ ўрин ажратмоғимиз лозим. Жойларда мана бугунгидек тадбирларни янада кўпроқ ўтказишимиз, навоийшунос фузалоларни, адибу санъаткорларни кўпроқ жалб қилишимиз керак» — деб таъкидлаб ўтди.

Сўзга чиққан машҳур навоийшунос олим, Ўзбекистон Фанлар академиясининг академиги, филология фанлари доктори, профессор А. Қаюмов мутафаккир шоир ижоди тўғрисида сўзлар экан,

Одами эрсанг демагил одами,

Оники, йўқ халқ ғамидин ғами, — деган Алишер Навоий ўзининг ўлмас асарлари билан халқимиз қалбига зиё бахш этгани, онгини илм сарчашмаларининг зилол булоқлари билан сугургани, муҳтож кишиларга мурувват кўрсатганлигини алоҳида таъкидлаб ўтди. Анжуманда сўзга чиққан Ўзбекистон Халқ артисти, Ўзбек Миллий академик драма театри раҳбари Ёқуб Аҳмедов улуғ адиб ғазалларидан намуналар ўқиди,



Навоий монологини ижро этди.

Анжуман иштирокчилари — таниқли олимлар, Беруний номидаги Республика мукофотининг совриндори, филология фанлари доктори, профессор А. Ҳайитметов, «Жаҳон адабиёти» журналининг бош муҳаррири, профессор О. Шарафидинов, таниқли навоийшунос олима С. Ганиевалар А. Навоийнинг серқирра ижоди хусусида гапирдилар. Шоир Йўлдош Эшбек Навоий ҳақидаги шеърларидан намуналар ўқиди. Тошкент давлат шарқшунослик институти қошидаги академик лицей ўқувчилари ижросида Навоий ғазаллари турли хил тилларда янгради.

Шундан сўнг шеърхонлик мушоира, кўшиқ ва рақсларга улан-

Алижон ТУРСУНМАТОВ,
Ўзбекистон Республикаси
халқ таълими аълочиси.

Машҳур кишилар ҳаётидан

◆ Улуғ композитор Моцарт 4 ёшида мусиқа асбобларида кўшиқ айта билган. Беш ёшида мусикавий аср ёзган.

◆ Академик Л. Ландау ўн йиллик мактабини 13 ёшида тамомлаб, 14 ёшида университетнинг 2-курсига (тиббиёт факультети) қабул қилинган.

◆ 1989 йили япониялик аёл Митцу Фуэдзисаа буви 112 ёшида тиббиёт университети-нинг сиртки факультетига қабул қилинган.

◆ Венгриялик опа-сингил Жужа (19 ёшда), София (14 ёшда), Юдит (12 ёшда) Сапок-ида бўлиб ўтган халқаро шахмат олимпиадасида олтин медал олишга сазовор бўлишган.

◆ Атоқли олим С. Мергелан ёшлигидан математикага қизиққан. У бир ўқув йилида 8, 9, 10 синфларнинг имтиҳонини топширган. 16 ёшида университетнинг II курсига қабул қилинган. Бир ярим йилда номзодлик минимумини тайёрлаб, 20 ёшида фан доктори бўлган.

◆ 75 ёшдаги инглиз буви Эдна Габелл айқидо билан машқ қилиб, 1,5 йилдан сўнг

сарик камар эгаси номини олди. У шу давр ичида бир неча касалиқдан фориғ бўлган. Эдна буви ҳозир қора белбоғни кўлга киритиш учун тайёр-гарлик кўрмоқда.

◆ Ҳафтада етти кун, бир соатда 60 дақиқа бўлиши ҳаммага маълум. Ўтиб кетган ёки олдиндан маълум бир куннинг, ҳафтанинг қайси кунини бўлиб ўтгани ёки бўлишини ҳеч бир тайёргарликсиз, ҳисобламасдан айтиб бериш мумкин эмас. Йошкар-олалик Владимир Кутокковдан тарихда бўлиб ўтган тарихий кунлар ёки байрамларнинг қачон бўлиб ўтишини сўрасангиз унинг ҳафтанинг қайси кунинда бўлиб ўтганини айтиш хатосиз, тўғри айтиб берад экан.

◆ Яқинда киевлик 16 ёшли Евгения Алексеевко бир дақиқада 416250 сўз ўқиб, Гиннесс-лар китобига ёзилган. Шунингдек, у ҳар қандай кичик журнални 40-50 сонияда ўқиб тургатар экан ҳамда ҳар бир мақола ёки ҳикоянинг мазмунини янглишмасдан, тутилмасдан айтиб берад экан.

Кийдирбой Тўлабоев

Қишда қандай иситиш анжомларидан фойдаланиш мумкин?

Статистика маълумотларига назар ташлар эканмиз, калликининг 90 фоизи йилнинг совуқ даврларига тўғри келишининг гувоҳи бўламиз. Уларнинг бир қисми совуқдан вужудга келса, бир қисми сурункали тус олади. Бунинг барчаси эса киши танасининг совуқ қотиши сабабли юзага келади. Зеро, инсон шундай яратилганки, унинг танаси фақат илиқ ҳароратдагина бир меъёрда сақланади. Кейинги 20 йил ичида юқори даражали ривожланган мамлакатларда электр орқали иситиш тизимларидан кенг фойдаланишмоқда. Олимлар ушбу ускуналарни тежамкорлиги ва самарадорлигини исботладилар. Жаҳон амалиётида электр иситишнинг тўла қўшимча ва қўшма учта тури мавжуд. Биз шу соҳа мутахассиси Раҳимжон БОЙМИРЗА-ЕВДАН юқорида айтиб ўтилган уч турдаги электр иситкичлар ҳақида кенгроқ маълумот беришни сўрадик.

— Ҳозирги кунда Ўзбекистон бозорларида хорижда ва мамлакатимизда ишлаб чиқарилган ўн турдаги иситкичлар мавжуддир. Уларни харид қилганда қанчалик зарарли ва ёнғин хавфсизлиги томонларига алоҳида эътибор бериш керак, — деди у. — Аввало энг кенг тарқалган иситиш анжомлари қаторига электр каминлар қиради. Улар деворга, пол устига ўрнатиладиган ва универсал каминлар бўлади. Буларнинг барчаси қиройли ва қувватли бошқарувчи тизимга эга. Электр каминлар бутун хонани иситмайди. Улардан асосан маълум бир майдонни иситиш учун фойдаланилади. Электр каминлар маълум томонга йўлланган иссиқлик оқимини чиқаради. Уни ҳаво қоплаб олмайдди. Иссиқликни инсон териси ҳамда кийим-кечаги қабул қилиб киши иссиқлик сезади. Ҳозир мамлакатимизда бу каби 30 дан ортиқ асбоблар мавжуд. Уларнинг айримлари Чирчик ва Андижон шаҳарларида ишлаб чиқарилади.

Электр радиаторларнинг конструкциялари оддийлиги туфайли харидоригр бўлиб, аҳоли томонидан севиб харид қилинади. Улар панелли ва бўлимлар йўналишда бўлади. Барча электр радиаторлар иссиқликни иситиш элементларини корпусга оралик иссиқлик элвучи — минералли мой орқали етказиши. Бир меъёргади иссиқлик бериш ва юқори қувватда ишлаганда электр радиаторнинг корпуси 100 даражадан юқорига қўйилмайдди. Агарда радиаторнинг усти нима биландир ёпиб қўйилса, корпуси ҳаддан ташқари қизиб кетади. Бу эса атрофдагиларга хавф туғдиради. Кейинги пайтларда Ўзбекистон бозорларида хорижда ишлаб чиқарилган электр радиаторлари пайдо бўлмоқда. Улар қиройли бўлиб 15-20 квадрат метрли хоналарга мўлжалланган. Бирок, 1,15 ва 2,5 кило-ватт бўлган қувватлардан фойдаланиш жоиз эмасдир. Чунки хоналардаги розеткалар бунга мўлжалланмагандир. Шу билан бирга электр тармоғининг шикастланиши, ҳатто ёнғинга олиб келиши мумкин. Уларнинг яна бир камчилиги шундаки, юзаси 80-90 даражада қизиб кетадиган бундай иситкичларга доимо чанг ўтиради. Бу чанглар кўйиш натижасида ноҳус хид тарқатиб, юрак ва ўпка қон томирларига шикаст етказиши. Мамлакатимизда бундай ускуналар Чирчик шаҳрида ишлаб чиқарилади.

Учинчи турдаги иситкичлар — электр конвекторлардир. Улар ҳақида электр камин ва электр радиаторлардан кўра қамроқ маълумотлар бўлиб, бу харидорларда етарли ахборот йўқлиги билан изоҳланади. Электр конвекторларни ҳамон калориферлар деб атаёмиз. Булар оралик иссиқлик элвучига эга эмас ва унчалик оғир бўлмай ҳамки ҳам кичикдир. Электр конвекторлар бошқа иситиш ускуналари каби чангларни куйдирмайди. Уларни таъмирлаш осон, ҳар қандай жойга ўрнатса бўлади ва шунингдек хонани бир маромда иситади. Бунда том ва шифт ўртасидаги ҳарорат даярили бир хил бўлади. Бу электр конвекторлари Тошкентдаги «ПГС» хусусий корхонасида ишлаб чиқарилади. Бу ерда ишлаб чиқарилган электр конвекторлари моҳиятига кўра ноёбдир. Уларда сопол иситиш элементларининг қўлланилиши кислород истеъмолини сезиларли даражада пасайтиради. Сополдан фойдаланиш ёнғин хавфсизлигининг гаровидир. Бундай иситкичларнинг оғирлиги 5,6 килограмм бўлиб кўп йиллар давомида фойдаланишга мўлжаллангандир. Фақат битта муаммо шундан иборатки, ПГС иситкичларини харид қилиш анча қийин. Чунки уларни сотиб олиш учун узоқ муддат навбатда туриш зарур бўлади.

Шу кунларда савдода Россияда ишлаб чиқарилган «Комфорт», «Поток», «Крым», «Салют» каби электр конвекторларни учратиш мумкин.

Қўшма иситиш анжомлари тўғрисида сўз юритадиган бўлсак, улар ўзларига камин, радиатор ва конвектор элементларини бирлаштирилади. Одатда конструкцияси мукамаллиги туфайли бундай асбобларнинг умри узоқ бўлмайди. Бу каби анжомлар ҳўллагичлар ёрдамида ишлаши лозим. Зеро иссиқлик нурлари сув орқали яхши қамраб олинади. Хонадонда намликнинг етарли микдорда бўлмаслиги инсон ҳаётига салбий таъсир қилиши мумкин. Кейинги йилларда «хўш иссиқлик» ва шу каби иситиш анжомлари тез-тез реклама қилинмоқда. Лекин уларнинг ҳоссалари ҳали тўлалигича ўрганилмаган. Шу сабаб улар тўғрисида маълумотлар жуда ҳам кам.

Шунинг яна бир қарра эслатиб ўтамизки, иссиқлик анжомларини жуда пухта танлаш лозим. Чунки улар саломатлик учун хавфсиз, ёнғин келтириб чиқармайдиган ва таъмирланмайдиган бўлиши керак.

Очил ҲАЗРАТОВ

тез намён этиш кучлилими ёки заифлими?» деган саволга берилган жавоблар оқшомхонларни бефарқ қолдирмаса керак. Зеро, ўша жойда таъкидланишича, ўз ҳиссиётини, салбий ҳисларини, жаҳлини идора эта олмаслик инсоннинг заифлигини кўрсатади. Бу масалада японлар кўпчиликлари ўрнатилган бўлишлари мумкин. Улар ўз оила аъзосини вафот этганлиги ҳақидаги маълумотни ўзидан катта ёшдагиларга енгил табассум билан етказадилар. Яъни, «мен учун қайғули воқеа сизнинг кайфиятингизга зинҳор салбий таъсир кўрсатмаслиги керак», мазмундади. Демак, шахсининг кучи салбий ҳисларига эрк беришида эмас, балки уларни жилай олиш, ақл жиловиди сақлашдадир.

Хуллас, тўпламдан ҳозирги замон оиласининг турлари, севи-муҳаббат дегани нима, рашк ҳисси нима, меҳрсизлик наслдан наслга ўтади, қотиллик меҳрсизлик оқибатими, оилавий ва қайнона билан келин ўртасидаги низолар ҳамда уларни бардаф этиш йўллари хусусида ҳам қимматли фикрлар ўрин олган. Шу боис китоб ҳаммаша ўқувчига яқин кўмақдос, доно маслаҳатгўй, ишончли дўст бўлиб қолишига шак-шубҳа йўқ.

Баҳодир ҲАБИБ

Бухажиб дунё

Ажойиб тикувчи

Варшавалик Альфред Элерт аслида математик. Бироқ у ҳаваскор тикувчи ҳам эди. Тикувчи бўлганда ҳам ажойиб қобилиятга эга тикувчи эди. Гап шундаки, у ҳаёти давомида буюртма бўйича тиккан костюм-шимлардан ақалли бирортасини мижозининг бўй-бастини ўз қўли билан ўлчаб тикмаган. Фақатгина мижозининг оғирлигини, бўйини, елка кенглигини ва бел айланасини сўрарди, холос. Газламани аввал бичиб, сўнг кийдириб кўриб, ундан кейин тикарди.

Альфред ҳатто телефон орқали ҳам буюртма оларди. Шунда буюртмачидан юқоридаги каби манбаларни сўрарди холос. Костюм-шим тайёр бўлгач, мижозига берарди ва албатта, буюртмачи кийим ўзига мос тушганидан хурсанд бўларди.

Ёмғирда қолсангиз югурманг

Қўчада шаррос ёмғирда қолган одам пана жой кидириб ошиқиши табиий ҳол. Лекин бунинг учун югуриш шарт эмас.

Маълум бўлишича, одам ёмғирда қанчалик тез югурса, шунчалик тез ивиб кетаркан. Физик олимлар югураётган ва охишта кетаятган одамларга қанча ёмғир томчиси тушишини ҳисоблаб чиқишган. Шунинг учун мабодо, ёмғирда қолиб кетсангиз шошмасдан кетаверинг. Шунда сиз ивиб кетмайсиз — тадқиқот натижаси шундай.

Сузаётган орол

Сейбл ороли Атлантика уммонидида жойлашган. Унинг гарбий қирғоғи аста-секин ювилиб, қамайиб кетмоқда. Шарқий қисми эса аксинча қўшилиб бормоқда. Натижада орол мунтазам сууратда шарққа қараб сурилиб, Янги Шотландия қирғоқларидан борган сари узоқлашмоқда. Сейбл кичи аср мобайнида ўн денгиз миля «юрган-лиги» ҳисоблаб чиқилган. Унинг йиллик сурилиши 230 метрга тенг.

Ҳаммаси ўн биттадан

Шотландиядаги бу кўл қисқатига ва оддийлигига қилиб ўн бир деб номланган. Бу гаройиб ном тасо-дифан берилган эмас. Қўлнинг қирғоғи узунмаси ўн бир милни ташкил этади ва унда ўн битта орол мавжуд. Ўн битта қўлнинг сувариди ўн бир хил балик учрайди. Ҳатто бу кўлдаги ўсимликларнинг тури ҳам ўн бир хил эмиш. Бўлиши мумкин...

Бир дарахтда ҳам олма, ҳам ёнғоқ...

Бразилиянинг шимол-шарқидида қурғоқчил ўрмонларда ажойиб дарахт ўсади. Унинг номи кажу. Унда бир вақтининг ўзида ҳам ёнғоқ, ҳам олма пишади. Таажжуб, чиндан ҳам гаройиб-а? Дарахт кўпман катта эмас — бўйи 10-12 метр, бироқ ҳосили тузуқкина: мавсумда бир дарахтда 10-12 килограмм ёнғоқ, 30 килограмм атрофда олма ўзиб олинади. Дарвоқе, туб аҳоли унинг майданларини бағри билан тишларини тозалашади.

Муҳаббат ҲАБИБУЛЛАЕВА
тайёрлади.

Халқимизда «Қўли гул уста» деган ахши бир ибора бор. Бу ном ўз касбининг фидойиси бўлган, ота-боболари хунарини давом эттириб, эл-юрт ҳурматиға сазовор бўлиб келаятган инсонларга насиб этган.

Шаҳримизнинг Собир Раҳимов тумани Тошмуҳамедов маҳалласида яшовчи Турғунбой ва Зарифа ая Йўлдошевлар оиласи мана шундай обрў-эътиборга эга бўлган, ота-боболаридан қолган мерос — хунаремандлик касбини давом эттириб келаятган пире бадавлат хонадонлардан саналади.

— Ёшим 71 да, — дейди хонадон соҳиби Турғунбой ота, — ота касбини да-

ХУНАРЕМАНДИК Зар қадрини заргар билар



вом эттириб кам бўлмадим. Бир йилгига қирқ хунар оз дердилар дадам раҳматлик. Жуда тўғри айтган эканлар. Зарифахон аянғиз билан беш фарзандни воёга етказдик, Тўлқин ва Абдурахмон ўғилларим олий маълумотли, Нодира, Матлуба, Маъмурахон қизларим тикувчи, ҳаммалари бола-чақали, уй-жойли, эл-юрт хизматиди юришибди. Ота касбини ҳам пухта эгаллаб, сулоламизни давом эттиришмоқда. Ҳатто набираларим, маҳалламиздаги Мурод, Умид, Ўткир каби ёшларнинг кунт билан хунар эгаллаётганини кўриб, дилим яйрайди. Хунарли одам хор бўлмайди деган мақол бекорга айтилмаган.

— Ишимизни заргарларга қиёслайман дейди катта ўғил Тўлқинбек — Битта миҳни ҳам жойига билиб қоқиш керак. Озгина адашсангиз кўрганда кўз қувнайдиған нақшлар чиқмай қолади. Ҳам ақл, ҳам билим, ҳам жисмоний меҳнат талаб қиладиған, айнаи вақтда жуда завокли иш. Мен яқиндан бери сандиқнинг — тах-паднис турини ясашни йўлга қўйдим. Тах-паднис ҳатто бобомиз Амир Темури даврида ҳам бўлиб, узоқ қарвон йўллариди туяларга ортилиб кишиларга хизмат қилган. Сандиқнинг яна балиқ қовурга, иккита қуббали, юлдузчали, незаки турлари бор. Ниятим, мана шу қадим-қадимдан ота-боболаримиз эъзозлаб келаятган хунаремандчилигимизнинг ҳеч бир тури йўқолмасин.

Мен отамдан, ўғилларим эса мендан хунар ўрганишмоқда, маҳалламиздаги ёшларга ҳам ўргатмоқдамиз. Ҳозир бизга, хунаремандларга берилаётган эътибор, яратилаётган шарт-шароитлар бизни янада яхши, кўрганда кўз қувнадиған маҳсулот яратишга ундамоқда. — Мен шу хонадонга келин бўлиб тушганимда, тўғриси чўчиган эдим, — дейди катта келин Чўчиган эдим, — Сандиқча келин бўляпсан, жуда қийин, меҳнат оғир, сенга ҳам қийин бўлади дейишган эди. Бу хонадондаги шароитини, меҳнатсеварликни, аҳиллик, саранжом-сарипталикни кўриб тўғриси ҳавасим келди. Шу хонадондаги ҳар бир оила аъзосининг ясалятган сандиқ, болалар қаравоти ва бошқа майда-чўйдаларда ўз ҳиссаси бор экан. Оила тутушини, фарзанд тарбиясини қайнотам ва қайнонамдан ўрганимиз. Худода шуқр, фарзандларим ақлли, хушли бўлиб воёга етиб, оталари ёнида меҳнат қилмоқдалар.

Меҳнат қилган элда азиз. Халқимиз томонидан қадим-қадимдан эъзозлаб, авлоддан-авлодга ўтиб келаятган миллий хунаремандчилигимиз тобора ривожини топсин. Мустақил юртимизда қилган эзгу ишлари, ибратли ҳаёт йўллари билан қадр топаётган, эл-юрт, фарзандлари ардоғида эъзозланаётган табаррук, пире бадавлат Турғунбой ва Зарифа ая каби фидойи инсонлар ҳаммаша соғ-омон бўлсинлар, уларнинг меҳнатлари меваси бўлмиш буюмлар эса нафақат Ўзбекистон, балки жаҳон бозорида ҳам ўзининг муносиб ўрнини топсин.

Шоира МУҲАМЕДОВА
СУРАТДА: Турғунбой ота Йўлдошев
набираси Шерзод билан янги ясалган
сандиқни кўздан кечирмоқда.
Тоҳир Нигматуллин олган сурат.



Бош муҳаррир
Акмал АКИМОВ

Манзилимиз:
700000, Тошкент шаҳри,
Матбуотчилар кўчаси, 32

ТЕЛЕФОНЛАР:

хатлар — 133-29-70;
эълонлар:
133-28-95, 132-11-39.
факс: (3712) 133-29-09.

Душанба, чоршанба ва жума
кунлари чиқади.

Нашр кўрсаткичи — 209

Ҳажми — 2 босма табоқ офсет усулида босилади.
2668 нусхада босилади. Қоғоз бичими А-2

Нашрни етказиб бериш масалалари
бўйича турар жойлардаги почта
бўлимларига ёки «Тошкент почтати»га
— 133-74-05 телефонига мурожаат
қилишингиз мумкин.

Газета Ўзбекистон Давлат матбуот қўмитасида
10-рақами билан рўйхатта олинган

Газета «Тошкент оқшоми»нинг
компьютер марказида терилди ва саҳифаланди.

«Шарқ» нашриёт-матбаа
акциядорлик компанияси босмахонаси.

Корхона манзили:
«Буюк Турон» кўчаси, 41-уй.